

七
K29-51
1

中國方志叢書·華北地方·第五四四號

據

清乾隆四十七年重修
清張心鏡纂修

影印

陝西 省

蒲城縣志

(二)

成文出版社有限公司印行

中華民國六十五年 月臺一版

蒲城縣志

全二冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

蒲城縣志卷九

人物志

孝義

梁

吉琬梁書本傳字彥霄幼有孝性年十一遭母憂水漿不入口殆將滅性天監初父爲原鄉令爲奸吏所誣逮詣廷尉其父理雖清白恥爲吏訊乃虛自引咎罪當大辟琬乃搥登聞鼓乞代父命廷尉蔡法度厲色問琬曰爾求代父死爾孺童志不及此必爲人所教若有悔異亦相聽許琬曰囚雖蒙弱豈不知死可畏憚顧不忍見父

極刑所以內斷胸臆委骨泉壤此非細故奈何受人教耶法度知玠不可屈撓乃更和顏誘之曰主上知尊侯無罪行當釋亮今若轉辭幸父子同濟玠對曰囚父必正刑書故思殞仆冀延父命瞋目引領以聽大戮玠初見囚獄掾備加桎梏法度矜之命脫其二械玠弗聽曰玠代父死死罪之囚唯宜增益豈可減乎竟不脫械法度具以奏聞高祖乃宥其父丹陽尹王志欲於歲首舉充純孝玠曰父辱子死斯道固然若玠當此舉則是因父買名亦何甚辱拒之而止年十七應辟爲本州主簿出監萬年縣攝官期月風化大行後鄉人裴儉連名薦

稱以爲孝行純至明通易老勅付太常旌舉初因父
成悻疾後因發而卒

元

吳好直續文獻通考父歿事繼母孝兄弟求分財好直勸
諭不能止卽以己所當得悉推與之淡泊三十年無悔

詔旌表

劉德元史郭全傳父娶後妻何氏德事之如所生家貧傭
工取直寸錢尺帛皆上之四弟並何出德撫愛尤篤年
五十未娶稱貸爲弟求婦諸弟化其德一門藹然鄉里
稱爲劉佛子

甄城柴郁陳舜咨續文獻通考皆能孝友以己財分讓兄弟縣令言狀均蒙旌表

王顯政元史文宗本紀五世同居天歷中旌其門
王理續文獻通考七世同居延祐天曆中表其門

明

原采字次寮賈志嘉靖己丑進士官行人值父母相繼殞計聞卽日就道抵家伏柩水穀不入口者數日葬訖築室墓旁朝夕哭奠累官戶部員外郎與富平楊忠介爵爲莫逆交采姪古爲沁水知縣天性敦厚素以孝稱
雷太初何景明較倫編幼醇謹慎取與畏法義一日昧爽

偕同里數人適野途中有偶坐者見其來走遺金一袋
衆競分之太初獨不取曰非分之物得之不祥越月監
司獲盜諸分金者皆爲盜指証被劫家又皆識爲其家
金竟無以白斃於獄正德中縣令劉大謨以太初負鄉
望辟爲鄉飲賓不就親詣其家卒不赴年九十四卒

王嗣業同州府志父歿廬墓崇禎甲戌歲饑出粟米賑貸
又輸緡錢白金於官設法均濟捐白金賑貧生及外州
縣來應試者學使汪喬年嘉其行義補其子禮經廩額
蒲以處士從祀鄉賢者二人元末王理今則嗣業云

王從善賈志兄弟四人從善爲叔伯奴力主析居從善泣

勸不從家產悉讓伯獨與仲季食力孝事二親會仲死
從善營葬且爲季娶因大困率季貸貨至襄貨敗於水
季亦病死扶輿歸夜嘗露處泣守之時糧盡宿元武祠
甫睡忽爲神起起聞虎嘯門外更有擲地聲曉出有物
橫闕下啟視則雜釵釧悉兼金也抵家後二年伯及姒
俱亡從善爲營葬撫其養子爲畢婚治產若猶子焉
梁小槐銅壺集庚辰歲大荒有夫欲賣其婦者相持泣小
槐與之粟夫婦復完聚有村翁市布得爲銀泣欲自經
小槐如數予之翁得免於死明年辛巳斗粟二千錢死
者狼籍小槐施米賑之全活甚衆

本朝

屈忠秦銅壺集性至孝母歿葬堯山忠秦結廬墓側每歲必薦每薦必泣服闋復居山之清明寺晨昏登高望墓而泣如是者又三年家人促還弗許其意殆將終身焉

李馥蒸字雲伯省志前癸未進士歷江西提學道性孝友執親喪廬墓三載所遺產悉讓弟歲饑出家財糴粟平糶全活甚衆浦邑遭王永強之變暴骨遍野爲捐金立義塚瘞之故友王御史道純死聞難於山西不遠千里携觀歸葬

李承引省志性篤孝初娶婦偶拂姑意卽出之設義學塾

師及諸生膏火悉以身在塾中多成名者好施與周貧
恤昔無虛日嘗居肆偶出或竊其錢比舍攬擊之承引
至曰我令被來取勿毆也其人感悔易行除夕有隣人
盜其麥遇承引訴以養母因倍給錢米遣之歲己丑王
永強叛兵至蒲水引業避城外復入負先人遺像並不
主以行時城閉不得出聞空中呼曰東南隅走者三因
越城得脫

王凝祚省志幼有志性父汝璜明奉任河南息縣至孝於
官道阻未能歸視順治初凝祚歸母東行至遼陽
不能前臥旅舍夜夢老人摩足令起次日大雪

至息負骸歸葬事祖父母及母俱色養無缺如毓後幼孤撫之如己子云

許仲盈省志父歿廬墓三年母疾醫藥不效默禱於北辰願以身代兄早卒孤寡依仲盈爲生卒撫孤成立歲荒設社倉宗黨全活者甚衆

宋希寅省志家貧未學性篤孝瓦盆脫粟奉養必至常買繩易餅以供膳父母相繼逝旣葬希寅守塚三年穿土穴爲居掘草根以食幾至滅性旣釋服衆強之歸每登城望墓輒長號泪盡不已嘗見其父儼然在寢旋出門疾追至墓下訖不見又嘗恍惚見母來臥室牽衣而哭

亦行至塚畔相失因慟絕野老爲舁入土穴逾時始甦
先是希寅獨居土穴時有大重簪赤睛晝夜旋繞不去
又有兩狼日蹲踞墓上馴若籬落間物又嘗於墓側種
瓜烏啄隣田瓜而希寅瓜獨無一損人皆謂至孝所感
學使高爾公造其廬禮之爲作宋孝子傳

屈琚字珮玉省志少好讀書嘗負笈從塾屋李頤鄆縣李
柏遊二人皆器重之歲辛未關中大飢琚館於鹿邑因
携家就食父疾卒琚痛幾死先送母歸蒲復至鹿邑扶
父輓徒步往來晝夜號泣不絕聲歸葬畢竟以哀毀致
殯

雷饒省志字劍華副榜貢生少好學工古文辭性篤孝友
執親喪哀毀骨立所遺產悉讓兩弟僦居數椽啼號不
絕意恬如也李弟客死山左聞訃慟絕以歸骨爲己任
踉蹌衝雪而行旣至爲人傭書得金始扶襯歸葬

雷鐸省志字伯覺康熙丙子舉人性孝事繼母尤謹值歲
歉負米他郡嘗終日不食不致母缺於供母病禱於家
廟願減產益母壽家雖貧兄弟姑姊之貧者恒迎養不
稍偶見同宗孀婦携幼子行田畔卽聚族人議曰族中
少婦出行吾宗黨之責也倡衆議給薪米婦遂守節終
身性好學嘗嚴冬就月下讀楚辭邑令助以膏火不受

有府司馬攝蒲篆丁祭不至鐸抗詞爭之署令卽馳至
如禮四時家祭竭誠盡慎不以貧故少怠朔望聚族人
習禮講法定例言二十條族人恪守之

原進長省志幼失母祖母董撫育之祖母病臥床進長朝
父事奉藥餌必親七年不懈事父愛敬交盡居喪不離
苦塊旣葬迎主歸朝夕哭奠歷三載如一日

原文彩省志父永貞晚得瘖疾臥床五載文彩傾貲求醫
百計不忌及卒喪葬盡禮遠墓號泣不能歸因廬墓側
嘗曰吾父素性多畏今適中野不更畏乎用伴朝夕無
使有畏而已永貞力學好著述有小學人物考十三卷

後文彩爲乞序以傳

劉鳴珂字伯容省志爲縣諸生性孝友居貧養親極先意承志之樂與人交尤重氣誼故人屈琚歿母老無依有弟又不知所往鳴珂力爲營葬并覓弟歸以養其母西和李重丙少年不偶因延致於家俾就讀後得爲知名士蒲令汪兆鼎聘修邑志有富人挾重貲浼爲伊父作佳傳卒不許初鳴珂父褻謨友愛諸姪撫育如己子及卒呼子鳴珂玉珂諄諄以同居爲囑今總服同爨食指六十餘人無間言皆褻謨遺訓也玉珂康熙辛卯舉人性行肫篤如其父兄

忠節

晉

吉挹字祖冲晉書本傳祖朗愍帝時爲御史中丞西朝不
守朗嘆曰吾何忍君臣相隨北面事賊乎乃自殺挹少
有志節孝武帝初苻堅陷梁益桓豁表挹爲魏興太守
尋加輕車將軍領晉昌太守以拒堅功拜員外散騎侍
郎苻堅將韋鍾攻魏興挹拒之斬七百餘級加督五郡
軍事鍾率衆欲趨襄陽挹邀擊斬五千餘級鍾怒回軍
圍之挹又屢挫其銳後賊衆繼至挹力不能抗賊城將
陷挹引刀欲自殺友人逼奪其刀會賊執之挹閉口下

言不食而死追贈益州刺史

隋

王辯字警略隋書本傳少習兵書尤善騎射漢王諱作亂從楊素討平之賜爵武寧縣男遼東之役以功加通議大夫山東賊帥等寇掠河北辯進兵擊之所往皆捷深爲羣賊所憚翟讓寇徐豫辯頻擊走讓與李密屯據洛口倉辯與王世充討密阻洛水相持經年辯率諸將攻敗密因薄其營戰破外柵密諸營已有潰者乘勝將入城世充不知鳴角收兵翻爲密徒所乘官軍大潰不可救止辯至洛水橋已壞竟溺死焉